



**SOCIJALDEMOKRATSKA PARTIJA
BOSNE I HERCEGOVINE
SOCIJALDEMOKRATI**

Broj: 01-04-68/06
Sarajevo, 19.01.2006.godine

**Izborna komisija BiH
Ul. Mula Mustafe Bašeskije br.6
71000 Sarajevo
n/r predsjednika**

Predmet: Primjedbe na Izvještaj o izvršenoj reviziji

U prilogu akta dostavljamo Vam primjedbe na **Preliminarni izvještaj o izvršenoj reviziji** Socijaldemokratske Partije BiH br.09-07-6-1882/05 od 28.12.2005.godine.

S poštovanjem,



Predsjednik SDP BiH
prof. dr. Zlatko Lagumdžija

09

IZBORNA KOMISIJA BOSNE I HERCEGOVINE SARAJEVO	19 -01- 2006
Primjena	
09-07-6-1882/05	

Primjedbe
na Preliminarni izvještaj o reviziji godišnjeg izvještaja za 2004.godinu i postizbornog
finansijskog izvještaja SDP BiH

U Preliminarnom izvještaju o izvršenoj reviziji godišnjeg izvještaja za 2004.godinu i postizbornog finansijskog izvještaja SDP BiH, kao najznačajnije nalaze koji ukazuju da je SDP BiH u kontrolisanom periodu postupila suprotno sljedećim odredbama Zakona o finansiranju političkih stranaka istaknuto je:

- 1. Na osnovu obavljene revizije u izabranim organizacionim dijelovima stranke, utvrdili smo da je SDP BiH prekršila odredbe člana 5. stav 1. Zakona o finansiranju političkih stranaka.**

U vašem Izvještaju je navedeno da je SDP BiH prema strukturi donacija iz inostranstva prekršila navedene odredbe Zakona i da su donacije iskazane na obrascu 3, stavka -ostali prihodi, a ne na obrascu 3 b kao prilozi pravnih lica.

Smatramo da navedena konstatacija lica koja su vršila reviziju nije tačna i da nije utemeljena na Zakonu o finansiranju političkih stranaka i Izbornom zakonom BiH.

U Zakonu o finansiranju političkih stranaka doprinosi iz inostranstva nisu tretirane kao prilozi domaćih pravnih i fizičkih lica, a isto tako nisu tretirane niti kao poseban izvor finansiranja političkih stranaka. U Vašem *Vodiču o finansiranju političkih stranaka* takođe se ova sredstva ne tretiraju kao donacije pravnih i fizičkih lica niti u postojećim obrascima predviđate posebnu rubriku za prikazivanje istih.

Na više upita Vašoj finansijskoj službi, na koji način i kako knjižiti doprinose iz inostranstva dobijali smo odgovore da se ista knjiže kao **ostali prihodi** jer postojeći obrasci za izvještavanje ne tretiraju ih kao domaće donacije, a također ni kao posebne prihode. U svim dosadašnjim izvještajima ova sredstva smo knjižili kao ostale prihode i nikada nije bilo primjedbi.

U Izbornom zakonu BiH, u članu 15.1. regulisano je podnošenje finansijskih izvještaja Izornoj komisiji BiH i u sadržaju izvještaja **odvojeni** su doprinosi iz inostranstva od doprinosa fizičkih i pravnih lica.

Shodno ovom članu Izbornog zakona BiH doprinosi iz inostranstva se ne mogu smatrati donacijama domaćih pravnih i fizičkih lica i ne mogu se naknadno ugrađivati u odredbe i ograničenja člana 4. i 5. Zakona o finansiranju političkih stranaka. Ovo posebno naglašavamo jer je Izborni zakon BiH, osnovni zakon i stupio je na snagu poslije Zakona o finansiranju političkih stranaka.

Pored ranije navedenog ističemo da doprinosi iz inostranstva nemaju karakter klasičnih donacija već se radi o doprinosima projektnog karaktera.

Vaši revizori su dobili kompletnu dokumentaciju na uvid i prema podacima prikazanim u tabeli na strani br.12 Izvještaja vidi se da je većina doprinosa iz inostranstva dobijena na

osnovu projekata za razvoj demokratije, rješavanje generacijskih razlika, jednakopravnosti spolova i drugih sličnih projekata.

Naglašavamo da za vrijeme revizije, Vaši revizori nisu dali bilo kakvu primjedbu vezanu za inostrane donacije i da smo zato posebno iznenađeni načinom tretiranja inostranih doprinosa u Vašem Preliminarnom izvještaju.

2. Stranka je prekršila odredbe člana 6. Zakona o finansiranju političkih stranaka jer nije prijavila pojedinačne priloge fizičkih i pravnih lica čiji iznos premašuje 100,00 KM

Tačni su navodi revizora da su sredstva u iznosu od 1539,00 KM od paušala knjižena kao članarina, a ne kao prilozima fizičkih lica. Odlukom Glavnog odbora SDP BiH br.02-194-1/99 od 11.12.1999.godine je regulisano da svi izabrani vijećnici SDP u općinska vijeća kao članarinu uplaćuju prva dva vijećnička paušala i 10% od narednih paušala.

Shodno toj Odluci OOSDP Stari Grad je izvršio knjiženje vijećničkih paušala za decembar 2004. kao članarinu. Pošto se radi o provođenju Odluke Glavnog odbora, a ne o dobrovoljnim prilozima fizičkih lica, smatramo da navedena sredstva, shodno Odluci partijskog organa, nemaju tretman dobrovoljnog priloga već članarine.

Zbog toga su ova sredstva iskazana na obrascu br.3 kao članarina, a ne na obrascu 3a kao prilozima fizičkog lica. Visina članarine i način njenog ubiranja je interna stvar političke stranke. U prilogu Vam dostavljamo navedenu Odluku Glavnog odbora.

3. Na osnovu obavljene revizije u izabranim organizacionim dijelovima stranke, smatramo da Socijaldemokratska partija BiH nije postupila u skladu sa odredbama člana 8. Zakona o finansiranju političkih stranaka, odnosno da je primala zabranjene priloge.

Revizija je utvrdila da 7 organizacionih dijelova SDP BiH, od ukupno 124, koristi, bez naknade, za svoj rad poslovne prostore općinskih organa uprave. Tačna je konstatacija da pojedine općine strankama koje participiraju u općinskom vijeću dodjeljuje poslovne prostore za rad stranaka bez naknade. Prostore su dodjeljivala općinska vijeća, a ugovori sklapani sa organima općinske uprave u kojima je regulisano da se prostori dodjeljuju za rad stranaka bez plaćanja naknade. Za korišćenje navedenih prostora nisu ispostavljane fakture i nisu vršena knjiženja.

U razgovoru sa općinskom administracijom, a u vezi sa ovim problemom, isti su nam dali objašnjenje da se radi o stvaranju uvjeta za rad političkih stranaka koje su zastupljene u vijeću i da su postupale po Zakonu o obligacionim odnosima. Općine smatraju da su na taj način stvarale uslove za rad klubova vijećnika, te da se dodijeljeni prostori ne mogu smatrati prilozima koji po članu 8. Zakona imaju tretman zabranjenih priloga.

Pošto su sve općine koje su dodjeljivale poslovne prostore strankama bez naknade postupale identično i pošto su na isti način dodjeljivale prostore svim strankama, ispred Općine Centar upućen je zahtjev Administrativno-pravnoj komisiji Parlamenta F BiH za izvorno tumačenje člana 8. Zakona.

4. Stranka je postupila u skladu sa odredbama člana 12. stav 2. Zakona o finansiranju političkih stranaka i obavjestila je Izbornu komisiju BiH o promjeni ovlaštenog lica za podnošenje izvještaja.
5. Ostale primjedbe revizije koje su date u formi prijedloga i sugestija smatramo korektnim i po istim smo već postupili.

U skladu sa naprijed iznešenim primjedbama i stavovima, a polazeći od odredaba Izbornog zakona BiH i Zakona o finansiranju političkih stranaka, očekujemo da Izborna komisija BiH ne prihvati dijelove Izvještaja, na koje smo stavili osnovane primjedbe, i da postupi u skladu sa gore navedenim Zakonima.

S poštovanjem,



Predsjednik SDP BiH

Prof. dr. Zlato Lagumdžija